

**ARWEINIAD I GAEL  
TRWYDDED  
GWEITHREDWR  
LLOGI PREIFAT**

## EITEM 1 – GWYBODAETH GYFFREDINOL

Mae'r llyfryn hwn yn cynnig arweiniad ar sut i wneud cais am drwydded gyrrwr llogi preifat, trwydded cerbyd llogi preifat a thrwydded gweithredwr llogi preifat. Cysylltwch â'r canlynol os bydd gennych ymholiadau ynghylch sut i gael trwydded neu gwestiwn cyffredinol ar faterion trwyddedu:

**Trwyddedu a Phrofi Cerbydau**  
**Depo Cludiant Adran yr Amgylchedd a Thechnegol**  
**Ffordd yr Abaty,**  
**Stad Ddiwydiannol Wrecsam**

**Ffôn 01978 729600**  
**Oriau Desg Gwasanaethu Cwsmeriaid**  
**Llun – Iau 8.30am – 4.30pm**  
**Gwener 8.30am – 4.00pm**

**Ymholiadau gorfodaeth, cyngor cyffredinol a chwynion**  
**Adran Diogelu'r Cyhoedd, Stryd yr Arglwydd, Wrecsam**

**Ffôn 01978 298990**

## EITEM 2 – CYFLWYNIAD

Yng Nghymru a Lloegr (heblaw Llundain), y Cyngor lleol sy'n cyhoeddi trwyddedau Llogi Preifat a Cherbyd Hacnai er mwyn rheoli gweithrediad diogel cerbydau llogi preifat a cherbydau hacnai sy'n cael eu defnyddio am log neu wobwr.

Yn Wrecsam, mae materion trwyddedu a gorfodi'n cael eu trin gan yr Isadran Iechyd a Diogelwch a Thrwyddedu yn Adran Diogelu'r Cyhoedd, Ruthin Road, Wrecsam LL13 7TY.

Mae cyfres o amodau ar bob trwydded, y mae deiliad y drwydded yn gorfod cydymffurfio â hwy. Mae copïau o'r amodau hyn ynghlwm wrth bob trwydded sy'n cael ei chyhoeddi, ac maent ar gael o'r cyfeiriad uchod. Mae'r Cyngor yn cyhoeddi trwyddedau am 1 flwyddyn.

## EITEM 3 – FFIOEDD HURIO PREIFAT

Ar gyfer Ffioedd Hurio Preifat diweddar,  
gwelwch [www.wrexham.gov.uk](http://www.wrexham.gov.uk) neu ffoniwch (01978) 729600

**RHYBUDD PWYSIG**  
**NID OES MODD DERBYN FFIOEDD HEB YR HOLL DDOGFENNAU PERTHNASOL**

## EITEM 4 – FFURFLENNI CAIS

Mae holl ffurflenni cais i'w cael o Ddepo Cludiant Adran yr Amgylchedd a Thechnegol neu Adran Diogelu'r Cyhoedd yn y cyfeiriad uchod.

## EITEM – 5 SUT I WNEUD CAIS AM DRWYDDED

Mae Depo Cludiant Adran yr Amgylchedd a Thechnegol, ar Ffordd yr Abaty yn Stad Ddiwydiannol Wrecsam.

Galwch heibio yn ein Desg Gwasanaethu Cwsmeriaid a gofyn am y ffurflenni angenrheidiol i wneud cais am y trwyddedau llogi preifat arbennig a fynnwch. Gallwch ffonio (01978 729600) a gofyn i ni anfon ffurflenni cais i'ch cartref.

Dylech ddod â'r ffurflenni cais wedi'u llenwi i'r depo gyda'r dogfennau priodol a'r ffi. Yna byddwch yn cael rhif cais, sef y cyfeirnod unigryw fydd yn cael ei ddangos yn eglur ar eich derbynneb o ran eich cais a'r rhif y bydd disgwyl i chi ei ddyfynnu wrth gysylltu â ni.

## EITEM 6 – TREFN GWNEUD CAIS AM DRWYDDED GWEITHREDWYR LLOGI PREIFAT

I wneud cais am drwydded gweithredwr llogi preifat rhaid i chi ddilyn y drefn ganlynol:

- A.** Byddwch yn ymwybodol bod holl geisiadau am drwydded gweithredwr **yn enw un person yn unig**.
- B.** Llenwch y ffurflen gais briodol. Os nad ydych yn dal Trwydded Gyrrwr Llogi Preifat gyfredol bydd angen i chi ofyn am “Ddatgeliad Sylfaenol” o'r Swyddfa Cofnodion Troseddol, yn yr Alban. Manylion cysylltu [www.disclosurescotland.co.uk](http://www.disclosurescotland.co.uk) Ffôn 0870 6096006.
- Rhaid i geiswyr nad ydynt yn Ddinasyddion Prydeinig rhoi tystiolaeth hefyd o Wiriadau Hanes Troseddol o'u gwlad wreiddiol / preswylfa flaenorol.
- Mae'r camau canlynol yn dangos sut fydd eich cais yn cael ei brosesu:
1. Bydd eich Ffurflen Gais yn cael ei gwirio am unrhyw wallau neu ddiffygion yn eich presenoldeb.
  2. Wrth gyflwyno eich cais rydym yn gofyn i chi ddatgan unrhyw gollfarnau sydd gennych (gwelwch Atodiad 1). Yn ogystal bydd gofyn i chi gael “Datgeliad Sylfaenol” o'r Swyddfa Cofnodion Troseddol yn yr Alban (CRB). Byddant yn cynnal cadarnhau gyda'r heddlu a chyrrff eraill i benderfynu a oes gennych unrhyw gollfarnau. Os ydych wedi datgan unrhyw gollfarnau, yn dilyn cadarnhau'r rhain gan y CRB, yna efallai y byddwn yn gorfod cyfeirio eich cais at y Pwyllgor Trwyddedu Amgylcheddol. Mae'r canllawiau y bydd y Pwyllgor yn eu defnyddio i ystyried eich cais yn Atodiad 2 ac mae'r drefn fydd yn cael ei dilyn yn y Pwyllgor (os byddwch yn cael eich gwahodd i fynychu) yn Atodiad 3. Yna bydd eich cais yn symud ymlaen i gamau 4 a 5 isod.
  4. Os ydych eisiau symud ymlaen gyda'ch cais ar ôl i'ch dewisiadau gael eu hesbonio wrthy, bydd cam 5 yn berthnasol.
  5. Bydd eich ffurflen gais yn cael ei phrosesu, yn dibynnu ar ganlyniad y “Datgeliad Sylfaenol.”
  6. Noder na fyddai trwyddedau yn cael eu cyhoeddi i derfyn y tu hwnt i dyddiadau terfynol trwyddedi gwaith/preswylfa.

Yna dylech gael caniatâd cynllunio o'r:

**YR ADRAN GYNLLUNIO**  
**NEUADD Y DREF**  
**WRECSAM**  
**FFÔN: 01978 292016**

- C.** Yna bydd eich cais yn cael ei ganiatáu (ond bod yr Adran Gynllunio wedi rhoi caniatâd cynllunio). Mae amodau'n ymwneud â'ch trwydded, sy'n rhaid cydymffurfio â hwy. Os na fyddwch yn cydymffurfio fe allwch gael ei erlyn dan y Ddeddf neu eich hysbysu i'r Pwyllgor.
- D.** Bob blwyddyn bydd ffurflen adnewyddu'n cael ei hanfon i'ch cyfeiriad gweithredwr (sylwch mai eich cyfrifoldeb chi yw sicrhau adnewyddu eich trwydded cyn iddi ddod i ben). Dylech alw yn y Depo yn Ffordd yr Abaty gyda'r ffurflen adnewyddu wedi'i llenwi a'r tâl priodol.

Y gweithredwyr sy'n gyfrifol am sicrhau adnewyddu eu trwyddedau cyn i'r trwyddedau blaenorol ddod i ben.

Bydd unrhyw gais wedi hynny yn cael ei drin fel cais 'newydd' a bydd yn gorfod mynd trwy'r un drefn â'r un a nodwyd ar gyfer trwydded newydd.

#### **EITEM 7 – Y GYFRAITH AC AMODAU LLEOL PERTHNASOL I DRWYDDEDU LLOGI PREIFAT**

Y ddeddfwriaeth gyfredol sy'n rheoli llogi preifat yw:

**Deddf Llywodraeth Leol (Darpariaethau Amrywiol) 1976.** Gallwch gael copi o unrhyw siop lyfrau Gwasg Ei Mawrhydi.

Mae copi o'r amodau trwydded ar gyfer Gweithredwyr Llogi Preifat yn Atodiad 4.

**MEINI PRAWF I'W DEFNYDDIO WRTH BENDERFYNU TRWYDDED GYRRWR LLOGI PREIFAT, TRWYDDED GWEITHREDWR LLOGI PREIFAT NEU DRWYDDED GYRRWR CERBYD HACNAI****1. CYFLWYNIAD**

Cyngor Wrecsam sy'n gyfrifol am holl faterion trwyddedu mewn cysylltiad â'r fasnach Llogi Preifat a Cherbyd Hacnai yn ardal Wrecsam.

**2. CANLLAWIAU**

Mae'r Awdurdod yn gofyn i chi gael "Datgeliad Sylfaenol" o'r Swyddfa Cofnodion Troseddol yn yr Alban ar gyfer ceisiadau Trwydded Gweithredwr Llogi Preifat a cheisiadau i'w hadnewyddu. Mae hyn yn rhoi manylion unrhyw gollfarnau i'r Awdurdod.

Bydd y wybodaeth a roddwch yn cael ei thrin yn hollol gydgyfrinachol ac ni fydd ond yn cael ei hystyried mewn cysylltiad â'ch cais. Dylech fod yn ymwybodol bod awdurdod yn y gyfraith gan y Cyngor i gadarnhau gyda'r heddlu (Swyddfa Cofnodion Troseddol) am fodolaeth a chynnwys unrhyw gofnod troseddol yn enw'r ceisydd. Bydd gwybodaeth a ddaw oddi wrth yr Heddlu neu o'r Swyddfa'n cael ei chadw'n gwbl gydgyfrinachol yn ystod y broses drwyddedu ac ni fydd yn cael ei chadw'n hwy nag sydd angen.

Ni fydd dadlennu cofnod troseddol neu wybodaeth arall o angenrheidrwydd yn eich atal rhag cael trwydded oni bai fod y Cyngor yn ystyried bod y gollfarn yn eich gwneud yn anaddas. Wrth wneud y penderfyniad hwn, bydd yr Awdurdod yn ystyried natur y trosedd, pa mor bell yn ôl oedd a beth oedd eich oed ar y pryd ac unrhyw ffactorau eraill all fod yn berthnasol. Dylech ystyried y canllawiau atodol sy'n ymwneud â pherthnasedd collfarnau.

Mae gan unrhyw geisydd sy'n cael gwrthod trwydded ar sail nad yw ef neu hi'n "rhywun addas a phriodol" i ddal trwydded o'r fath hawl i apelio i'r Llys Ynadon cyn pen 21 diwrnod ar ôl derbyn y penderfyniad.



## **Polisi Trwyddedu Cerbydau Hurio Preifat a Cherbydau Hacni**

**Meini Prawf Addasrwydd ar gyfer Gyrwyr a  
Gweithredwyr**

**DYDDIAD: Awst 2019**

## Cynnwys

- 1.0 Cyflwyniad
- 2.0 Polisi Cyffredinol
- 3.0 Apeliadau
- 4.0 Pwerau
- 5.0 Opsiynau wrth wneud penderfyniad ar gais/trwydded
- 6.0 Ystyried hanes troseddol a ddatgelwyd
- 7.0 Trais
- 8.0 Troseddau Rhyw ac Anweddustra
- 9.0 Anonestrwydd
- 10.0 Gyrru o dan Ddylanwad Alcohol a Chyffuriau
- 11.0 Troseddau sy'n gysylltiedig â chyffuriau
- 12.0 Meddwdod (nid mewn cerbyd modur)
- 13.0 Troseddau Gyrru sy'n cynnwys colli bywyd
- 14.0 Euogfarnau Moduro
- 14.2 Troseddau Traffig Mawr
- 14.7 Mân Droseddau Traffig
- 14.11 Troseddau Yswiriant
- 15.0 Gwaharddiad
- 16.0 Gwybodaeth nad yw'n ymwneud ag euogfarnau
- 17.0 Aildroseddu
- 18.0 Torri Deddfwriaeth, Is-ddeddf neu Amod Trwydded
- 19.0 Ymgeiswyr â chyfnodau'n byw y tu allan i'r DU.
- 20.0 Trwyddedau a gyhoeddir gan Awdurdodau eraill
  
- 21.0 Crynodeb

Atodiad A – Troseddau moduro a phwyntiau cosb

## 1.0 Cyflwyniad

1.1 Diben y polisi hwn yw darparu arweiniad ar y meini prawf sy'n cael eu hystyried gan Gyngor Bwrdeistref Sirol Wrecsam wrth benderfynu a yw ymgeisydd neu ddeiliad trwydded presennol yn unigolyn addas a phriodol i gael trwydded cerbyd hacni a/neu drwydded gyrrwr / gweithredwr cerbyd hurio preifat ai peidio.

1.2 Nod y polisi hwn yw diogelu diogelwch y cyhoedd. Mae'r Awdurdod Trwyddedu eisiau sicrhau:

- Bod yr unigolyn hwnnw yn unigolyn addas a phriodol;
- Nad yw'r unigolyn hwnnw yn cyflwyno bygythiad i'r cyhoedd;
- Bod y cyhoedd yn cael eu diogelu rhag unigolion anonest;
- Diogelu plant a phobl ifanc;
- Diogelu pobl agored i niwed;
- Bod gan y cyhoedd hyder wrth ddefnyddio cerbydau trwyddedig.

1.3 Nid yw'r term "Unigolyn Addas a Phriodol" at ddibenion trwyddedu tacsis a cherbydau hurio preifat wedi'i ddiffinio'n gyfreithlon. Fodd bynnag, wrth benderfynu a yw unigolyn yn addas a phriodol i gynnal trwydded, mae'r rhai sy'n gyfrifol am wneud penderfyniadau ar drwyddedau/ceisiadau yn gofyn iddynt eu hunain i bob pwrpas:

"Fyddech chi'n caniatáu i'ch mab neu ferch, priod neu bartner, mam neu dad, ŵyr neu wyres neu unrhyw unigolyn arall sy'n annwyl i chi, fynd i mewn i gerbyd gyda'r unigolyn hwn ar eu pen eu hunain?"

Os mai "byddwn" yn ddiamed yw'r ateb i'r cwestiwn hwn yna gellir ystyried bod yr unigolyn yn addas a phriodol. Os oes unrhyw amheuan ym meddyliau'r rhai sy'n gwneud y penderfyniad, yna dylid rhoi ystyriaeth bellach o ran a ddylid rhoi trwydded i'r unigolyn hwnnw ai peidio.

Er mwyn asesu addasrwydd ymgeisydd (ac er mwyn hysbysu'r rhai sy'n gwneud penderfyniadau wrth ateb y cwestiwn uchod), bydd y Cyngor yn cynnal y gwiriadau perthnasol ac angenrheidiol y mae'n credu sy'n briodol er mwyn sicrhau nad yw trwyddedau'n cael eu cyhoeddi i, nac yn cael eu defnyddio gan, bobl anaddas. Wrth asesu addasrwydd ymgeisydd neu ddeiliad trwydded, bydd y cyngor yn ystyried y ffactorau canlynol:

- Troseddoldeb
- Cyfnod cael trwydded yrru
- Nifer y pwyntiau cosb arnodedig ar drwydded yrru
- Cymhwyster i weithio yn y DU
- Addasrwydd meddygol
- Safon gyrru/gallu gyrru
- Ymddygiad yr ymgeisydd wrth wneud y cais (e.e. a ydynt wedi ymddwyn gydag integreidd yn ystod y broses o wneud cais).
- Hanes trwyddedau blaenorol deiliaid trwyddedau presennol/blaenorol.

Hefyd, bydd y Cyngor yn ystyried ffynonellau gwybodaeth pellach gan gynnwys yr Heddlu (gan gynnwys hysbysiadau cipio), Byrddau Diogelu Plant ac Oedolion, awdurdodau trwyddedu ac asiantaethau statudol eraill.

1.4 Nod y polisi hwn yw darparu canllaw i unrhyw unigolyn sydd â diddordeb mewn trwyddedu cerbydau hurio cyhoeddus a phreifat. Yn benodol, ond nid yn unig, y canlynol:

- Ymgeiswyr trwyddedau gyrrwr / gweithredwyr
- Gyrrwr /gweithredwyr trwyddedig presennol y mae eu trwyddedau'n cael eu hadolygu
- Swyddogion Trwyddedu a'r Heddlu
- Aelodau'r Pwyllgor/Panel Trwyddedu Amgylcheddol (neu gorff perthnasol arall sy'n gwneud penderfyniadau)
- Ynadon a Barnwyr sy'n gwrando ar apelïadau yn erbyn penderfyniadau awdurdod lleol

1.5 Pan fydd gan swyddogion trwyddedu bwerau dirprwyedig o ran trwyddedau cerbydau hurio preifat/hacni, byddant yn defnyddio'r canllawiau hyn wrth wneud penderfyniad i gymeradwyo trwydded. Ym mhob achos arall, cyfeirir pob cais am drwyddedau i'r Pwyllgor/Panel Trwyddedu Amgylcheddol (neu gorff arall perthnasol sy'n gwneud penderfyniadau). Er y bydd swyddogion a'r pwyllgor/panel yn rhoi ystyriaeth i'r canllawiau yn y polisi, **bydd pob polisi yn cael ei ystyried ar ei rinweddau unigol ei hun** a, phan fydd amgylchiadau'n mynnu, gall y pwyllgor/swyddog wyro oddi wrth y canllawiau.

1.6 Pan fydd ymgeiswyr yn methu â datgelu unrhyw euogfarnau blaenorol; rhybuddion; hysbysiadau cosb, gorchmynion neu geryddon ar eu ffurflen gais, gan gynnwys unrhyw achosion llys i'w cynnal neu unrhyw faterion eraill gellir eu cyfeirio at y Pwyllgor Trwyddedu wneud penderfyniad arnynt.



## 2.0 Polisi cyffredinol

- 2.1 Wrth ystyried y canllaw hwn, bydd y Cyngor yn ymwybodol bod angen ystyried pob achos ar ei rinweddau unigol ei hun a, phan fydd amgylchiadau'n mynnu, gall y pwyllgor wyro oddi wrth y canllawiau hyn,
- 2.2 Nid oes angen gwahardd unigolyn ag euogfarn am drosedd ddifrifol yn awtomatig o reidrwydd rhag cael trwydded, ond fel arfer disgwylir i'r ymgeisydd:
- Parhau'n rhydd o euogfarn am gyfnod priodol (fel y nodir isod);
  - Dangos tystiolaeth ddigonol eu bod yn unigolyn addas a phriodol i gynnal trwydded (cyfrifoldeb yr ymgeisydd yw darparu tystiolaeth o'r fath).

Efallai na fydd dim ond parhau'n rhydd o euogfarn yn cael ei ystyried yn dystiolaeth ddigonol ar y cyfan bod yr unigolyn yn unigolyn addas a phriodol i gynnal trwydded.

- 2.3 At ddibenion y Polisi hwn, gallai "materion eraill i'w hystyried" gynnwys, ond nid ydynt wedi'u cyfyngu i'r canlynol:
- Euogfarnau troseddol / moduro;
  - Llys Milwrol;
  - Rhybuddion;
  - Hysbysiadau cosb benodedig neu hysbysiadau cosb eraill;
  - Gorchmynion ymddygiad gwrthgymdeithasol neu orchmynion tebyg eraill;
  - Torri amodau trwydded;
  - Rhybuddion neu Geryddon Ffurfiol;
  - Cyhuddiadau neu faterion sy'n aros am dreial;
  - Priodoldeb.
- 2.4 Pan fydd gan ymgeisydd euogfarn(au) neu fater(ion) eraill i'w hystyried am drosedd droseddol, ni all y cyngor adolygu rhinweddau'r euogfarn neu fater arall.
- 2.5 Pan fydd gan ymgeisydd / deiliad trwydded euogfarn neu fater arall i'w ystyried ar gyfer trosedd o gynorthwyo, annog, ceisio, cynllwynio, cyngori, caffael, achosi, caniatáu neu ysgogi unrhyw un o'r euogfarnau / materion troseddol neu fodurrol sy'n cael eu nodi yn y canllaw hwn, ystyrir eu bod yn berthnasol ar gyfer y mater sylweddol.
- 2.6 Y safonau a'r meini prawf a nodir yn y paragraffau isod yw'r rhai a fyddai fel arfer yn berthnasol i geisiadau a thrwyddedau. Gall y Cyngor wyro oddi wrth y meini prawf hyn; fodd bynnag, dim ond mewn amgylchiadau eithriadol y dylai wneud hynny.

## 3.0 Apeliadau

- 3.1 Mae gan unrhyw ymgeisydd y gwrthodwyd trwydded gyrrwr / gweithredwr iddynt, neu yrrwr / gweithredwr trwyddedig y mae eu trwydded wedi'i hatal neu ei dirymu hawl i apelio i'r Llys Ynadon o fewn 21 diwrnod o dderbyn yr hysbysiad.

## 4.0 Pwerau

- 4.1 Mae'r pwerau i roi trwyddedau gyrrwr / gweithredwr wedi'u cynnwys yn Adran 51, Adran 55 ac Adran 59 Deddf Llywodraeth Leol (Darpariaethau Amrywiol) 1976 (y Ddeddf).
- 4.2 Mae'r pwerau i atal, dirymu neu wrthod adnewyddu trwydded gyrru wedi'u cynnwys yn Adran 61 y Ddeddf, pan fydd yr ymgeisydd/deiliad y drwydded yn euog o drosedd a oedd yn cynnwys anonestrwydd, anweddustra, trais; methiant i gydymffurfio â darpariaethau Deddf Cyfrifoldebau Heddluoedd Trefol 1847; methiant i gydymffurfio â darpariaethau Rhan II Deddf Llywodraeth Leol (Darpariaethau Amrywiol) 1976; neu unrhyw achos rhesymol arall.
- 4.3 Mae Adran 61 (2B) yn caniatáu i'r Awdurdod Trwyddedu, os yw'n ymddangos er budd diogelwch y cyhoedd, i atal neu ddirymu trwydded gyrrwr ar unwaith. Cyhoeddir Hysbysiad Penderfyniad sy'n esbonio pam y gwnaed y penderfyniad hwn i'r gyrrwr a bydd yn weithredol pan roddir yr hysbysiad i'r gyrrwr. Gall y gyrrwr apelio'r penderfyniad hwn ond ni all yrru yn ystod cyfnod yr apêl.
- 4.4 Mae Adran 62 y Ddeddf yn caniatáu i'r Awdurdod Trwyddedu atal, dirymu neu wrthod adnewyddu trwydded gweithredwr os bydd yr ymgeisydd/deiliad y drwydded yn euog o drosedd o dan, neu ddiffyg cydymffurfiaeth â, Rhan II y Ddeddf; ar sail unrhyw ymddygiad ar ran y gweithredwr sydd, ym marn y Cyngor, yn eu gwneud yn anaddas, neu yn sgîl unrhyw newid perthnasol ers rhoi'r drwydded i unrhyw un o amgylchiadau'r gweithredwr ar sail y rhoddwyd y drwydded neu unrhyw achos rhesymol arall.
- 4.5 Mae Gorchmyn Adsefydlu Troseddwr 1974 (Eithriadau) (Diwygio) 2002, yn caniatáu i'r Awdurdod Trwyddedu ystyried pob euogfarn a gofnodwyd yn erbyn ymgeisydd neu ddeiliad trwydded gyrrwr cerbyd hurio preifat neu

gerbyd hacni, p'un a ydynt wedi'u disbyddu ai peidio. Felly, bydd yr Awdurdod Trwyddedu yn ystyried pob euogfarn berthnasol, yn arbennig pan fydd hanes hir o droseddu neu batrwm diweddar o aildroseddu.

#### 4.6 Rhybuddion Gwarchoddedig ac Euogfarnau Gwarchoddedig

4.7 Mae Gorchymyn Eithriadau Deddf Adsefydlu Troseddwyr (1974) 2013 bellach yn dileu "euogfarnau gwarchoddedig" a "rhybuddion gwarchoddedig" o'r eithriadau.

4.8 Mae "Troseddau Rhestredig" bob amser yn cael eu datgelu ac maent yn cynnwys troseddau mwy difrifol, troseddau rhywiol a'r rhai â goblygiadau diogelu ac yn y blaen. Mae troseddau rhestredig wedi'u nodi yn adran 5 Gorchymyn Deddf Adsefydlu Troseddwyr 1974 (Eithriadau) 1975 (Diwygio) (Cymru a Lloegr) 2013.

4.9 Mae euogfarn yn "euogfarn warchoddedig" os:

- Nad yw'n berthnasol i drosedd restredig.
- Ni roddwyd dedfryd o garchar.
- Nid oes gan yr unigolyn unrhyw euogfarnau eraill. (Pan fydd gan yr unigolyn fwy nac un euogfarn, bydd pob euogfarn wedi'u cynnwys ar y dystysgrif.)
- Cafodd ei derbyn gan unigolyn o dan 18 oed ar adeg yr euogfarn a bod **pum mlynedd a hanner neu fwy** wedi mynd heibio.
- Cafodd ei derbyn gan unigolyn 18 oed neu'n hŷn ar adeg yr euogfarn ac mae **11 mlynedd neu fwy** wedi mynd heibio.

4.10 Mae rhybudd yn "rybudd gwarchoddedig" os:

- Nad yw'n berthnasol i drosedd restredig.
- Fe'i rhoddwyd i unigolyn o dan 18 oed ar adeg y rhybudd ac mae **dwy flynedd neu fwy** wedi mynd heibio.
- Fe'i rhoddwyd i unigolyn 18 oed neu'n hŷn ar adeg y rhybudd ac mae **chwe blynedd neu fwy** wedi mynd heibio.

#### 5.0 Opsiynau wrth wneud penderfyniad ar gais/trwydded

5.1 Wrth benderfynu ar gais neu adolygu trwydded bresennol, mae gan y Cyngor yr opsiynau canlynol:

- Cymeradwyo'r cais neu beidio cymryd unrhyw gamau pellach
- Gwrthod y cais/dirymu'r drwydded/atal y drwydded
- Cyflwyno rhybudd

#### 6.0 Ystyried hanes troseddol a ddatgelwyd

6.1 O dan ddarpariaethau Adrannau 51, 55 a 59 y Ddeddf, mae'n ofynnol i'r Awdurdod Trwyddedu sicrhau bod ymgeisydd sydd eisiau adnewyddu trwydded gyrrwr / gweithredwr yn unigolyn 'addas a phriodol' i gael trwydded o'r fath. Fodd bynnag, os oes gan ymgeisydd / deiliad trwydded unrhyw faterion i'w hystyried, gall yr Awdurdod Trwyddedu ystyried:

- Pa mor berthnasol yw'r drosedd/troseddau i'r drwydded y gwneir cais amdani;
- Pa mor ddifrifol oedd y drosedd/troseddau;
- Pryd y cyflawnwyd y drosedd/troseddau;
- Dyddiad yr euogfarn ac oedran yr ymgeisydd ar adeg yr euogfarn;
- Y ddedfryd a roddwyd gan y llys;
- A ydynt yn ffurfio rhan o batrwm o droseddu;
- Unrhyw ffactorau eraill a allai fod yn berthnasol, er enghraifft:
  - Ymddygiad blaenorol deiliad trwydded presennol neu flaenorol;
  - A yw'r ymgeisydd wedi camarwain y cyngor yn fwriadol neu wedi dweud celwydd fel rhan o'r broses gwneud cais;
  - Gwybodaeth a ddarparwyd gan asiantaethau eraill/adrannau eraill y cyngor.

6.2 Pan fydd ymgeiswyr yn methu â datgelu unrhyw euogfarnau; rhybuddion; hysbysiad cosb, gorchymynion neu geryddon blaenorol ar eu ffurflen gais, gan gynnwys unrhyw achosion llys i'w cynnal neu faterion eraill y gellir eu cyfeirio at y Pwyllgor Trwyddedu Amgylcheddol i wneud penderfyniad arnynt.

6.3 Mae'n rhaid i ddeiliaid presennol trwyddedau gyrru hysbysu'r cyngor yn ysgrifenedig o fewn saith diwrnod gwaith o dderbyn cymeradwyaeth trwydded yrru, hysbysiad cosb benodedig, rhybudd, cerydd, rhybudd yr heddlu, euogfarn droseddol neu achos troseddol arall (gan gynnwys eu rhyddfarn fel rhan o achos troseddol). Byddai methiant i wneud hynny yn codi cwestiynau difrifol i'r Cyngor o ran onestrwydd deiliad y drwydded a bydd hyn yn cael ei ystyried fel rhan o unrhyw gais adnewyddu.

- 6.4 Mae'r Cyngor yn cynnal datgeliadau manylach gan y Gwasanaeth Datgelu a Gwahardd (DBS) o unrhyw ymgeisydd sy'n gwneud cais am drwydded yrru. Bydd angen i ymgeiswyr sy'n gwneud cais i gael neu adnewyddu trwydded yrru drefnu datgeliad manylach, a thalu am hynny eu hunain.
- 6.5 Mae gan y Cyngor hawl hefyd i ddefnyddio cofnodion a gwybodaeth arall a allai fod ar gael iddynt wrth wneud penderfyniadau ar geisiadau neu hawl i barhau i gynnal trwydded. Gallai hyn gynnwys gwybodaeth sydd gan y Cyngor neu awdurdodau trwyddedu eraill, a gwybodaeth sy'n cael ei datgelu gan yr heddlu o dan Gynllun Datgeliadau Cyfraith Gyffredin yr Heddlu neu drefniadau tebyg eraill. Ymhlith yr enghreifftiau o ffynonellau gwybodaeth o'r fath y gellir eu defnyddio mae gwybodaeth gofal cymdeithasol, taliadau budd-dal ac yn y blaen.
- 6.6 Mae'n drosedd i unrhyw berson, boed hynny'n fwriadol neu'n ddifeddwl, wneud datganiad ffug neu hepgor unrhyw ddeunydd, yn arbennig wrth roi gwybodaeth sy'n ofynnol ar gyfer gwneud cais am drwydded (a57 Deddf Llywodraeth Leol (Darpariaethau Amrywiol 1976). Pan fydd ymgeisydd wedi gwneud datganiad ffug neu ddatganiad ffug ar eu cais i gael neu adnewyddu trwydded, bydd y drwydded fel arfer yn cael ei gwrthod.

## 7.0 Trais

- 7.1 Mae gyrrwyr trwyddedig yn dod i gysylltiad agos gyda'r rheolaidd gyda'r cyhoedd. Cymerir safbwynt cadarn i'r rhai sydd ag euogfarn(au) neu fater(ion) eraill i'w hystyried sy'n cynnwys trais. Gwrthodir cais fel arfer neu bydd trwydded bresennol yn cael ei dirymu os oes gan yr ymgeisydd/deiliad y drwydded euogfarn am drosedd a oedd yn cynnwys colli bywyd.
- 7.2 Mewn achosion eraill, bydd unrhyw un sydd sy'n euog o drosedd sy'n gysylltiedig â thrais, yn annhebygol o gael eu trwyddedu nes y bydd **o leiaf 3 blynedd** wedi mynd heibio ers euogfarn(au) o'r fath. Fodd bynnag, o ystyried yr amrediad o droseddau sy'n cynnwys trais, mae'n rhaid rhoi ystyriaeth i natur y drosedd.
- 7.3 Oni fydd amgylchiadau eithriadol, gwrthodir cais fel arfer neu bydd trwydded bresennol yn cael ei dirymu pan fydd gan ymgeisydd / deiliad trwydded euogfarn am drosedd megis:

- Llofruddiaeth;
- Dynladdiad;
- Dynladdiad neu ddynladdiad beius wrth yrru;
- Troseddau terfysgaeth;
- Neu droseddau tebyg neu droseddau sy'n disodli'r uchod.

- 7.4 Gwrthodir cais fel arfer pan fydd gan yr ymgeisydd euogfarn(au) neu fater(ion) eraill i'w hystyried ar gyfer trosedd a restrir isod a bod yr euogfarn(au) neu fater(ion) i'w hystyried yn **llai na 10 mlynedd** cyn dyddiad y cais neu o leiaf 10 mlynedd o ddyddiad cwblhau dedfryd (pa un bynnag sydd hwyaf):

:

- Gwir niwed corfforol sydd wedi'i waethygu oherwydd hil / crefydd;
- Llosgi bwriadol;
- Ymosod ar yr Heddlu;
- Ymosodiad cyffredin sydd wedi'i waethygu oherwydd hil / crefydd;
- Difrod troseddol sydd wedi'i waethygu oherwydd hil / crefydd;
- Niwed corfforol difrifol gyda bwriad;
- Clwyfo maleisus neu niwed corfforol difrifol sydd wedi'i waethygu oherwydd hil;
- Meddu ar ddryll;
- Gwrthsefyll arestio;
- Terfysg;
- Lladrad;
- Anhrefn treisgar;
- Troseddau tebyg neu droseddau sy'n disodli'r uchod.

- 7.5 Gwrthodir cais fel arfer pan fydd gan yr ymgeisydd euogfarn(au) neu fater(ion) eraill i'w hystyried ar gyfer trosedd a restrir isod a bod yr euogfarn(au) neu fater(ion) i'w hystyried yn **llai na 3 mlynedd** cyn dyddiad y cais neu o leiaf 10 mlynedd o ddyddiad cwblhau dedfryd (pa un bynnag sydd hwyaf):

- Affrae;
- Ymosodiad sy'n achosi gwir niwed difrifol;
- Ymosodiad cyffredin;
- Difrod troseddol;
- Rhwystro;
- Meddu ar arf (neu arf ffug) neu unrhyw drosedd arall sy'n gysylltiedig â throedd ar wahân i ddryll;

- Trosedd A5 Deddf Trefn Gyhoeddus 1986 (aflonyddwch, braw neu drallod);
- Trosedd A.4 Deddf Trefn Gyhoeddus 1986 (ofn cythrudd o drais);
- Trosedd A4A Deddf Trefn Gyhoeddus 1986 (aflonyddwch, braw neu drallod bwriadol);
- Troseddau tebyg neu droseddau sy'n disodli'r uchod.

7.6 Gwrthodir cais fel arfer os bydd gan ymgeisydd fwy nac un euogfarn neu fater arall i'w ystyried yn y **10 mlynedd** ddiwethaf am drais o natur dreisgar.

## 8.0 Troseddau rhyw ac anweddustra

8.1 Oherwydd bod gyrwyr trwyddedig yn cludo teithwyr digwmni ac agored i niwed, cymerir safbwynt cadarn o ran y rhai sydd ag euogfarnau neu faterion eraill i'w hystyried ar gyfer troseddau rhyw. Gwrthodir cais fel arfer neu bydd trwydded bresennol yn cael ei hatal neu ei dirymu am euogfarnau neu faterion eraill i'w hystyried ar gyfer unrhyw drosedd sy'n cynnwys camymddwyn rhywiol. Ym mhob achos, cânt eu cyfeirio at y Pwyllgor Trwyddedu er mwyn gwneud penderfyniad arnynt.

8.2 Oni fydd amgylchiadau eithriadol, gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn(au) neu fater(ion) eraill i'w hystyried ar gyfer trosedd megis:

- Ymosodiad drwy dreiddiad;
- Ecsbloetio puteindra;
- Ymosodiad anweddustra;
- Troseddau sy'n cynnwys plant neu oedolion agored i niwed;
- Meddu ar ffotograffau anweddustra, pornograffi plant ac yn y blaen;
- Trais rhywiol;
- Ymosodiad rhywiol;
- Masnachu er mwyn ecsbloetio rhywiol neu fath arall o ecsbloetio;
- Gwneud galwadau ffôn anweddustra;
- Magu Perthynas Amhriodol neu geisio dod yn gyfaill i blentyn ar y rhynggrwyd neu drwy ddulliau eraill, gyda'r bwriad o'u cam-drin;
- Dinoethiad anweddustra;
- Cymell puteindra (plagio pen ffordd);
- Troseddau tebyg neu droseddau sy'n disodli'r uchod.

8.3 Yn ogystal â'r uchod, ni fydd yr Awdurdod Trwydded fel arfer yn caniatáu trwydded i unrhyw ymgeisydd sydd ar y Gofrestr Troseddwy Rhyw neu unrhyw gofrestr debyg.

8.4 Gwrthodir cais fel arfer os bydd gan ymgeisydd fwy nac un euogfarn neu fater arall i'w ystyried ar gyfer trosedd rhyw.

8.5 Efallai y bydd y Cyngor yn dymuno ystyried amgylchiadau, pe byddent wedi digwydd ar adeg ystyried y cais, na fyddent yn drosedd.

## 9.0 Anonestrwydd

9.1 Disgwylir i ymgeisydd neu ddeiliad trwydded presennol fod yn unigolyn dibynadwy. Yn ystod eu dyletswyddau gwaith, bydd gyrwyr yn delio â thrafodion ariannol ac eiddo gwerthfawr y gellir bod wedi'u gadael yn eu cerbydau. Mae'n bosibl y bydd gyrwyr yn delio â chwsmeriaid sy'n agored i niwed neu sy'n feddw ac a allai ddrysu'n rhwydd. Ar ben hynny, mae'n gymharol hawdd i yrrwr anonest dwyllo'r cyhoedd drwy fynnu mwy na chost gyfreithiol y daith neu'r gost y cytunwyd arni, ac yn y blaen. Gall ymwelwyr o dramor fod yn ddryslud ynglŷn â'n harian cyfred a gallent fod yn agored i gael eu twyllo gan yrrwr diegwyddor. Am yr holl resymau hyn, cymerir safbwynt cadarn o unrhyw euogfarn sy'n ymwneud ag anonestrwydd.

9.2 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn(au) neu fater(ion) eraill i'w hystyried ar gyfer y troseddau a restrir isod a bod yr euogfarn neu'r mater arall i'w ystyried **llai na 3 blynedd** cyn dyddiad y cais neu o leiaf 3 blynedd ar ôl cwblhau dedfryd (pa un bynnag sydd hwyaf):

- Twyll budd-daliadau;
- Bwrgleriaeth;
- Cynllwynio i dwyllo;
- Ffugio;
- Twyll;
- Trin neu dderbyn nwyddau wedi'u dwyn;
- Caffael arian neu eiddo drwy dwyll;

- Math arall o dwyll;
- Cymryd cerbyd heb ganiatâd;
- Lladrad;
- Codi gormod am y daith;
- Troseddau tebyg neu droseddau sy'n disodli'r uchod.

9.3 Cyfeirir ymgeiswyr neu ddeiliaid trwydded presennol, y canfyddir eu bod wedi camarwain y cyngor yn fwriadol, neu sydd wedi dweud celwydd fel rhan o'r broses gwneud cais/adnewyddu at y Pwyllgor Trwyddedu Amgylcheddol.

## 10.0 Gyrru o dan Ddylanwad Alcohol neu Gyffuriau

- 10.1 Mae yfed alcohol neu gymryd cyffuriau a gyrru yn cyflwyno risg amlwg i ddiogelwch y cyhoedd. Mae gyrrwyr trwyddedig yn yrwyr galwedigaethol proffesiynol a chymerir safbwynt difrifol o euogfarnau am yrru, neu bod yn gyfrifol am gerbyd o dan ddylanwad alcohol neu gyffuriau.
- 10.2 Dylai o leiaf 5 mlynedd, ar ôl adfer y drwydded yrru yn dilyn euogfarn gyrru alcohol/cyffuriau, fod wedi bod cyn yr ystyrir cais. Gellir trin euogfarn am "wrthod neu fethu â darparu sbesimen ar ôl derbyn cais i wneud hynny" yn yr un modd.
- 10.3 Mae mwy nac un euogfarn neu fater arall i'w ystyried ar gyfer **gyrru** o dan ddylanwad alcohol neu gyffuriau neu fethu â darparu sbesimen yn codi amheuan arwyddocaol ynglŷn ag addasrwydd yr ymgeisydd i yrru'r cyhoedd. Mae'n annhebygol y caniateir iddynt gael trwydded.
- 10.4 Os oes tystiolaeth o gamddefnyddio alcohol/cyffuriau cyson, efallai y bydd angen archwiliad meddygol arbenigol (yn unol â safonau meddygol Grŵp 2 DVLA) ac adroddiad meddygol boddhaol cyn y bydd y cais yn cael ei ystyried. Os bydd ymgeisydd wedi derbyn triniaeth am fod yn gaeth i alcohol/cyffuriau byddai angen iddynt ddangos tystiolaeth nad ydynt wedi cymryd alcohol/cyffuriau am 5 mlynedd yn dilyn triniaeth ddadwenwyno.

## 11.0 Troseddau sy'n Gysylltiedig â Chyffuriau

- 11.1 Oherwydd natur cyswllt gyrrwr gyda'r cyhoedd, gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd/deiliad y drwydded euogfarn(au) neu fater(ion) i'w hystyried ar gyfer trosedd sy'n gysylltiedig â **chyflenwi, tyfu, mewnforio neu gynhyrchu cyffuriau** ac nad ydynt wedi bod yn rhydd o euogfarn am 10 mlynedd, neu o leiaf 10 mlynedd ar ôl cwblhau dedfryd (pa un bynnag sydd hwyaf).
- 11.2 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd/deiliad y drwydded euogfarn unigol neu fater arall unigol i'w ystyried ar gyfer trosedd sy'n gysylltiedig â **meddu ar gyffuriau** sy'n llai na 3 blynedd cyn dyddiad y cais, neu o leiaf 3 blynedd ar ôl cwblhau dedfryd (pa un bynnag sydd hwyaf).
- 11.3 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd **fwy** nac un euogfarn neu fater arall i'w ystyried ar gyfer troseddau sy'n gysylltiedig â **meddu** ar gyffuriau ac nad yw wedi bod yn rhydd o euogfarn neu fater arall i'w ystyried am o leiaf 5 mlynedd neu o leiaf 5 mlynedd ar ôl cwblhau dedfryd (pa un bynnag sydd hwyaf).
- 11.4 Os oes tystiolaeth o ddefnydd, camddefnydd neu ddibyniaeth barhaus gallai fod angen archwiliad meddygol arbenigol (yn unol â safonau meddygol Grŵp 2 DVLA). Os oedd yr ymgeisydd yn gaeth i gyffuriau, yna fel arfer bydd angen tystiolaeth i ddangos nad ydynt wedi bod yn ddibynnol ar alcohol/cyffuriau am **5 mlynedd**.

## 12.0 Meddwdod (Nid mewn Cerbyd Modur)

- 12.1 Mae euogfarn unigol am feddwdod yn annhebygol o arwain at wrthod cais neu drwydded yn cael ei hatal neu ei dirymu, ar yr amod nad yw'n gysylltiedig â math arall o ymddygiad troseddol.
- 12.2 Gallai mwy nac un euogfarn am feddwdod awgrymu problem feddygol. Os oes tystiolaeth o ddefnydd, camddefnydd neu ddibyniaeth barhaus ar alcohol, gallai fod angen archwiliad meddygol arbenigol (yn unol â safonau meddygol Grŵp 2 DVLA). Os oedd yr ymgeisydd yn gaeth i alcohol yna fel arfer bydd angen tystiolaeth i ddangos nad ydynt wedi bod yn ddibynnol ar alcohol am **5 mlynedd**. Gellir dirymu trwydded deiliad trwydded presennol yn amodol ar ganlyniad yr archwiliad meddygol. Bydd archwiliad meddygol sy'n cadarnhau dibyniaeth ar alcohol yn golygu na all deiliad y drwydded wneud cais am drwydded hyd nes y gallant ddarparu tystiolaeth nad ydynt wedi bod yn ddibynnol ar alcohol am o leiaf 5 mlynedd.

### 13.0 Troseddau gyrru sy'n cynnwys colli bywyd

- 13.1 Cymerir safbwynt difrifol iawn o unrhyw ymgeisydd neu ddeiliad trwydded presennol sydd ag euogfarn neu unrhyw fater arall i'w ystyried am drosedd yrru sydd wedi arwain at golli bywyd.
- 13.2 Gwrthodir cais fel arfer neu bydd trwydded bresennol yn cael ei dirymu pan fydd gan yr ymgeisydd / deiliad y drwydded euogfarn(au) neu fater(ion) eraill i'w hystyried ar gyfer unrhyw droseddau a restrir isod ac nad ydynt wedi bod yn rhydd o euogfarn am 10 mlynedd (neu dylai bod o leiaf 5 mlynedd fod wedi mynd heibio ers cwblhau'r dedfryd, pa un bynnag sydd hwyaf):
- Achosi marwolaeth drwy yrru peryglus;
  - Achosi marwolaeth drwy yrru diofal o dan ddylanwad alcohol neu gyffuriau;
  - Neu unrhyw droseddau tebyg.
- 13.3 Gwrthodir cais fel arfer neu bydd trwydded bresennol yn cael ei dirymu pan fydd gan yr ymgeisydd / deiliad y drwydded euogfarn(au) neu fater(ion) eraill i'w hystyried am unrhyw un o'r troseddau a restrir isod ac nad ydynt wedi bod yn rhydd o euogfarn am 5 mlynedd (neu dylai bod o leiaf 3 mlynedd fod wedi mynd heibio ers cwblhau'r ddedfryd, pa un bynnag sydd hwyaf):
- Achosi marwolaeth drwy yrru peryglus;
  - Achosi marwolaeth drwy yrru: gyrywyr heb drwydded, sydd wedi'u gwahardd neu sydd heb yswiriant;
  - Neu unrhyw droseddau tebyg.

### 14.0 Euogfarnau Moduro

14.1 Mae'r holl droseddau moduro a'r pwyntiau cosb wedi'u rhestru yn Atodiad A.

#### 14.2 Troseddau Traffig Mawr

14.3 At ddibenion y Polisi hwn, mae'r troseddau moduro canlynol yn cael eu hystyried yn 'Droseddau Traffig Mawr':

AC10	Methu ag aros ar ôl damwain
AC20	Methu rhoi manylion neu roi gwybod am ddamwain o fewn 24 awr
AC30	Troseddau damweiniau heb eu diffinio
BA10	Gyrru tra byddwch wedi'ch gwahardd drwy orchymyn Llys
BA30	Ceisio gyrru tra byddwch wedi'ch gwahardd drwy orchymyn Llys
CU80	Defnyddio ffôn symudol wrth yrru cerbyd
DD40	Gyrru peryglus
DD90	Gyrru gwyllt
IN10	Defnyddio cerbyd heb ei yswirio yn erbyn risgiau trydydd parti
LC20	Gyrru'n groes fel arall i amodau'r drwydded
LC30	Gyrru ar ôl gwneud datganiad ffug ynglŷn ag addasrwydd wrth wneud cais
LC40	Gyrru cerbyd ar ôl methu â rhoi hysbysiad am anabledd
LC50	Gyrru ar ôl i drwydded gael ei dirymu neu ei gwrthod ar sail feddygol
MS50	Rasio modur ar briffordd
MS60	Troseddau nad ydynt wedi'u cwmpasu gan godau eraill
MS90	Methiant i roi gwybodaeth ar bwy oedd yn gyrru, ac yn y blaen
UT50	Cymryd cerbyd waethygedig

14.4 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn neu fater arall i'w ystyried ar gyfer trosedd traffig fawr ac nad ydynt wedi bod yn rhydd o euogfarn neu fater arall i'w ystyried am **o leiaf 12 mis**. Pan fydd dedfryd yn cynnwys gwaharddiad yna bydd adran 15 yn berthnasol hefyd.

- 14.5 Fel arfer gwrthodir cais lle bydd mwy nac un Trosedd Traffig Fawr ac ni ddylid ystyried unrhyw gais pellach nes y bydd cyfnod o **o leiaf 3 blynedd** yn rhydd o euogfarnau o'r fath neu faterion eraill i'w hystyried. Pan fydd dedfryd yn cynnwys gwaharddiad yna bydd adran 15 yn berthnasol hefyd.
- 14.6 Os bydd unrhyw euogfarn neu fater arall i'w ystyried ar gyfer Trosedd Traffig Fawr yn arwain at waharddiad, dylai ymgeiswyr gyfeirio at yr adran "gwaharddiad" yn y canllawiau hyn.
- 14.7 **Mân Droseddau Traffig**
- 14.8 Bydd Troseddau Traffig eraill nad ydynt wedi'u rhestru yn y polisi hwn yn cael eu trin fel "Mân Droseddau Traffig" at ddibenion y Polisi hwn. Mae mân drosedd yrru yn un sy'n arwain at rhwng 1 a 3 pwynt cosb.
- 14.9 Pan fydd gan ymgeisydd/deiliad trwydded un euogfarn neu fater arall i'w ystyried am fân drosedd gyrru, ni fydd hyn fel arfer yn arwain at wrthod neu atal / dirymu ac ni fydd fel arfer yn cael ei gyfeirio at y Pwyllgor.
- 14.10 Gallai mwy nac un mân euogfarn traffig neu fater arall i'w ystyried arwain at wrthod trwydded, yn arbennig pan fydd nifer o euogfarnau am yr un drosedd, er enghraifft goryrru, neu faterion eraill i'w hystyried. Gellir cyfeirio gyrrwr trwyddedig i'r Pwyllgor Trwyddedu pan fydd patrwm o aildroseddau dros gyfnod hwy o amser.
- 14.11 **Troseddau Yswiriant**
- 14.12 Gellir cyfeirio gweithredwr y profir eu bod wedi helpu ac annog gyrru teithwyr ar gyfer hurio a gwobr heb yswiriant at y Pwyllgor Trwyddedu Amgylcheddol. Gallai hyn arwain at atal neu ddirymu Trwydded y Gweithredwr.
- 15.0 **Gwaharddiad rhag Gyrru**
- 15.1 Bydd yr Awdurdod Trwyddedu yn trin cyfnod o waharddiad fel cyfnod y byddai gyrrwr wedi bod yn gymwys i wasanaethu, a gallai anwybyddu penderfyniad llys i hepgor neu leihau cyfnod gwaharddiad ar sail caledi eithriadol o dan A.35 Deddf Tramgwyddwyr Traffig 1988 neu am "resymau arbennig" o dan A.34 Deddf Tramgwyddwyr Traffig 1988 neu *waharddiad wedi'i leihau ar ôl cwblhau cwrs adsefydlu gyrrwyr*.
- 15.2 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn ddiweddar neu fater arall i'w ystyried sy'n arwain at gyfnod o waharddiad o lai na 56 diwrnod oni fydd cyfnod o **o leiaf 12 mis** wedi mynd heibio ers diwedd y cyfnod y gwaharddiad.
- 15.3 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn ddiweddar neu fater arall i'w ystyried sy'n arwain at gyfnod o waharddiad o hyd at 12 mis oni fydd cyfnod o **o leiaf 18 mis** wedi mynd heibio ers diwedd y cyfnod y gwaharddiad
- 15.4 Gwrthodir cais fel arfer neu bydd trwydded bresennol yn cael ei hatal neu ei dirymu pan fydd gan yr ymgeisydd / deiliad y drwydded euogfarn ddiweddar neu fater arall i'w ystyried sy'n arwain at gyfnod o waharddiad o hyd at 12 mis oni fydd cyfnod o **o leiaf 3 blynedd** wedi mynd heibio ers diwedd y cyfnod y gwaharddiad.
- 15.5 Ni fydd yr Awdurdod Trwyddedu fel arfer yn cymeradwyo cais am drwydded gyrrwr cerbyd hurio preifat neu gerbyd hacni i unigolyn sydd wedi'i wahardd rhag gyrru am gyfnod o 5 mlynedd neu fwy.

## 16.0 Gwybodaeth nad yw'n ymwneud ag euogfarnau

### Ymgeiswyr Newydd

- 16.1 Os yw'r unigolyn yn destun arestiad, dyled heb ei thalu neu wŷs, gellir parhau i brosesu eu cais, ond bydd angen adolygu'r cais ar ddiwedd y gweithrediadau.
- 16.2 Os yw'r ddyled heb ei thalu neu'r wŷs yn ymwneud â throsedd difrifol ac / neu mae hanes euogfarnau'r unigolyn yn dangos patrwm posibl o ymddygiad anghyfreithlon, yna er budd diogelwch y cyhoedd gellir gohirio'r cais nes y bydd gweithrediadau wedi dod i ben neu gellir gwrthod y cais.

### Deiliaid Trwydded

- 16.3 I ddeiliad trwydded presennol, sy'n destun arestiad, dyled heb ei thalu neu wŷs, bydd yr Awdurdod yn ystyried yr holl dystiolaeth sydd ganddo a gallai hyn arwain at ddirymiad.
- 16.4 Wrth asesu'r camau i'w cymryd ar gyfer ymgeiswyr newydd a deiliaid trwydded presennol, mae'n rhaid i ddiogelwch y cyhoedd sy'n teithio fod yn hollbwysig.
- 16.5 Mae'r Awdurdod Trwyddedu yn ymwybodol bod safon y prawf sy'n berthnasol mewn achosion troseddol a sifil yn wahanol. Y safon prawf wrth wneud penderfyniadau yw'r dull sifil, ar gydbwysedd tebygolrwydd.

## 17.0 Aildroeddu

17.1 Er ei bod yn bosibl bod gan ymgeisydd nifer o euogfarnau neu faterion eraill i'w hystyried sy'n cyflawni'r canllawiau uchod yn unigol, gwrthodir cais fel arfer pan fydd gan ymgeisydd gofnod o aildroeddu sy'n dangos diffyg ystyriaeth i les eraill neu i eiddo, oni fydd cyfnod o **o leiaf 10 mlynedd** wedi mynd heibio ers yr euogfarn ddiweddaraf neu faterion eraill i'w hystyried.

## 18.0 Torri Deddfwriaeth, Is-ddeddf neu Amod Trwydded

18.1 Mae'n annhebygol y rhoddir trwydded i ymgeisydd sydd ag euogfarn neu faterion eraill i'w hystyried am dorri deddfwriaeth, is-ddeddf neu amod trwydded oni fydd cyfnod o **o leiaf 12 mis** wedi mynd heibio ers yr achos mwyaf diweddar o dorri un o'r uchod.

18.2 Mae deiliad trwydded presennol y canfyddir eu bod wedi torri deddfwriaeth, is-ddeddf neu amod trwydded, ar yr achlysur cyntaf, yn debygol o dderbyn rhybudd ysgrifenedig ar eu hymddygiad yn y dyfodol, ar yr amod nad oedd yr achos o dorri yn cyfaddawdu diogelwch teithwyr neu nad oedd y cyhoedd mewn perygl.

18.3 Pan ganfyddir bod gan ddeiliad trwydded presennol fwy nac un achos o dorri deddfwriaeth drwyddedu, is-ddeddf neu amod trwydded, neu un achos difrifol o dorri, gall y Pwyllgor Trwyddedu Amgylcheddol atal neu ddirymu'r drwydded.

18.4 Mae'r uchod yn berthnasol p'un a yw unrhyw weithredoedd cyfreithiol i'w cynnal neu wedi'u cynnal.

## 19.0 Ymgeiswyr â chyfnodau'n byw y tu allan i'r DU

19.1 Os bydd ymgeisydd wedi treulio chwe mis parhaus neu fwy dramor (ers iddynt fod yn 16 oed) bydd y cyngor yn disgwyl gweld tystiolaeth o wiriad o gofnodion troseddol gan y wlad/gwledydd yr ymwelwyd â hi/hwy yn ystod y cyfnod hwn. I ddinasyddion yr Undeb Ewropeaidd, bydd angen datgeliad tebyg i wiriad DBS y DU, ar gyfer y gwledydd hynny lle nad oes gwiriadau ar gael, bydd angen tystiolaeth o ymddygiad da ar y Cyngor, wedi'i llofnodi gan y llysgenhadaeth berthnasol.

19.2 Nid yw hyn yn effeithio ar y gofyniad i ddarparu datgeliad manylach gan y Gwasanaeth Datgelu a Gwahardd. Mae gwybodaeth bellach am y dulliau o gael prawf ar gael ar wefan y DBS [www.gov.uk/disclosure-barring-service](http://www.gov.uk/disclosure-barring-service); [www.crb.gov.uk/overseas](http://www.crb.gov.uk/overseas)

## 20.0 Trwyddedau a gyhoeddir gan Awdurdodau Eraill

20.1 Pan fydd cais am drwydded gyrrwr cerbyd hurio preifat/cerbyd hacni neu weithredwr cerbyd hurio preifat wedi'i gyfeirio at y Pwyllgor Trwyddedu Amgylcheddol er mwyn gwneud penderfyniad arno o ran y polisi hwn, a bod gan yr ymgeisydd drwydded o'r fath a roddwyd gan awdurdod trwyddedu arall, dylai'r canllaw yn y polisi hwn gael blaenoriaeth dros unrhyw benderfyniad a wnaed gan awdurdod trwyddedu arall.

## 21.0 Crynodeb

21.1 Er na fydd hanes troseddol ynddo'i hun o reidrwydd yn arwain yn awtomatig at wrthod cais ac ni ddylai euogfarn bresennol am drosedd ddifrifol wahardd ymgeisydd yn barhaol rhag cael ei drwyddedu, yn y rhan fwyaf o achosion, disgwylir i ymgeisydd fod yn rhydd o euogfarn am rhwng 3 a 10 mlynedd (mae'r cyfnod o amser yn dibynnu ar y drosedd a gyflawnwyd, fel y nodwyd uchod), cyn y bydd cais yn debygol o fod yn llwyddiannus.

21.2 Er ei bod yn bosibl i ymgeisydd fod wedi cael nifer o euogfarnau sydd, yn unigol, yn cyflawni'r canllawiau uchod, mae'n rhaid ystyried yr hanes troseddu cyffredinol wrth asesu addasrwydd ymgeisydd i gael ei drwyddedu. Mae cyfres o droseddau dros gyfnod o amser yn fwy tebygol o achosi pryder nac un mân euogfarn. Yn amlwg, gellir defnyddio rhywfaint o ddisgresiwn os bydd y drosedd a ddatgelwyd yn un unigol a bod amgylchiadau lliniarol, ond y brif ystyriaeth yw diogelwch y cyhoedd.

## Atodiad A – Troseddau Moduro a phwyntiau cosb

Mae'r canlynol yn ganllaw i'r nifer o bwyntiau cosb y gallai llys eu rhoi, nid yw'n adlewyrchu'r ffaith y gallai rhai troseddau arwain at waharddiad. Mae'r codau hyn wedi'u cofnodi o wybodaeth a ddarparwyd gan y llysoedd (ac roeddent yn gywir ar adeg y ddogfen hon).



Cod	Trosedd	Pwyntiau Cosb
<b>Troseddau Traffig</b>		
AC10	Methu ag aros ar ôl damwain	5-10
AC20	Methu rhoi manylion neu roi gwybod am ddamwain o fewn 24 awr	5-10
AC30	Troseddau damweiniau heb eu diffinio	4-9
<b>Gyrwyr wedi'u gwahardd</b>		
BA10	Gyrru tra byddwch wedi'ch gwahardd drwy orchymyn llys	6
BA30	Ceisio gyrru tra byddwch wedi'ch gwahardd drwy orchymyn llys	6
<b>Gyrru Diofal</b>		
CD10	Gyrru heb ofal a sylw dyledus	3-9
CD20	Gyrru heb ystyriaeth resymol i ddefnyddwyr ffordd eraill	3-9
CD30	Gyrru heb ofal a sylw dyledus neu heb ystyriaeth resymol i ddefnyddwyr ffordd eraill	3-9
CD40	Achosi marwolaeth drwy yrru diofal pan yn anaddas i yrru oherwydd alcohol	3-11
CD50	Achosi marwolaeth drwy yrru diofal pan yn anaddas i yrru oherwydd cyffuriau	3-11
CD60	Achosi marwolaeth drwy yrru diofal gyda lefel alcohol uwch na'r uchafswm	3-11
CD70	Achosi marwolaeth drwy yrru diofal yna methu â darparu sampl i'w ddadansoddi	3-11
CD71	Achosi marwolaeth drwy yrru diofal yna methu â darparu sampl ar gyfer dadansoddiad cyffuriau.	3-11
CD80	Achosi marwolaeth drwy yrru diofal neu anystyriol	3-11
CD90	Achosi marwolaeth drwy yrru: gyrwyr heb drwydded, wedi'u gwahardd neu heb yswiriant	3-11
<b>Troseddau Adeiladwaith a Defnydd</b>		
CU10	Defnyddio cerbyd â brecioau diffygiol	3
CU20	Achosi neu'n debygol o achosi perygl drwy ddefnyddio cerbydau anaddas neu ddefnyddio cerbydau â rhannau neu ategolion (gan gynnwys brecioau, llyw neu deiars) sydd mewn cyflwr peryglus use of unsuitable vehicles or using a vehicle with parts or	3
CU30	Defnyddio cerbyd â theiar(s) diffygiol	3
CU40	Defnyddio cerbyd â llyw diffygiol	3
CU50	Achosi neu'n debygol o achosi perygl oherwydd llwyth neu deithwyr	3
CU80	Defnyddio ffôn symudol wrth yrru cerbyd	6
<b>Gyrru Peryglus</b>		
DD40	Gyrru Peryglus	3-11
DD60	Dynladdiad neu ddynladdiad beius wrth yrru cerbyd	3-11
DD90	Gyrru Gwyllt	3-9
<b>Gyrru Gwyllt</b>		
DR10	Gyrru neu geisio gyrru gyda lefelau alcohol uwchben yr uchafswm	3-11
DR20	Gyrru neu geisio gyrru pan yn anaddas i yrru oherwydd alcohol	3-11
DR30	Gyrru neu geisio gyrru yna methu â darparu sbesimen i'w ddadansoddi	3-11

DR40	Yn gyfrifol am gerbyd pan fydd lefelau alcohol yn uwch na'r uchafswm	10
DR50	Yn gyfrifol am gerbyd pan yn anaddas i yrru oherwydd alcohol	10
DR60	Methiant i ddarparu sbesimen i'w ddadansoddi mewn amgylchiadau ar wahân i yrru neu geisio gyrru	10
DR61	Methiant i ddarparu sbesimen ar gyfer dadansoddiad cyffuriau mewn amgylchiadau ar wahân i yrru neu geisio gyrru	10
DR70	Methiant i ddarparu sbesimen ar gyfer prawf anadl	4
DR80	Gyrru neu geisio gyrru pan yn anaddas i yrru oherwydd cyffuriau	3-11
DR90	Yn gyfrifol am gerbyd pan yn anaddas i yrru oherwydd cyffuriau	3-11
<b>Troseddau Yswiriant</b>		
IN10	Defnyddio cerbyd nad yw wedi'i yswirio yn erbyn risgiau trydydd parti	6-8
<b>Troseddau Trwydded</b>		
LC20	Gyrru'n groes fel arall i amodau'r drwydded	3-6
LC30	Gyrru ar ôl gwneud datganiad ffug ynglŷn ag addasrwydd wrth wneud cais am drwydded	3-6
LC40	Gyrru cerbyd ar ôl methu â rhoi hysbysiad am anabledd	3-6
LC50	Gyrru ar ôl i drwydded gael ei dirymu neu ei gwrthod ar sail feddygol	3-6
<b>Troseddau Amrywiol</b>		
MS10	Gadael cerbyd mewn lleoliad peryglus	3
MS20	Reidio piliwn anghyfreithlon	3
MS30	Troseddau chwarae ar y stryd	2
MS50	Rasio moduron ar y briffordd	3-11
MS60	Troseddau nad ydynt wedi'u cwmpasu gan godau eraill	Fel y bo'n briodol
MS70	Gyrru gyda golwg diffygiol heb ei gywiro	3
MS80	Gwrthod cyflwyno i gael prawf llygaid	3
MS90	Methiant i roi gwybodaeth ar bwy oedd yn gyrru, ac yn y blaen	3
<b>Troseddau ar y Draffordd</b>		
MW10	Torri Rheoliadau Ffyrdd Arbennig (ac eithrio cyfyngiadau cyflymder)	3
<b>Croesfannau Cerddwyr</b>		
PC10	Achos heb ei ddiffinio o dorri Rheoliadau Croesfannau Cerddwyr	3
PC20	Torri Rheoliadau Croesfannau Cerddwyr gyda cherbyd sy'n symud	3
PC30	Torri Rheoliadau Croesfannau Cerddwyr gyda cherbyd llonydd	3
<b>Cyfyngiadau Cyflymder</b>		
SP10	Gyrru'n gyflymach na'r cyfyngiadau cyflymder i gerbydau nwyddau	3-6

SP20	Gyrru'n gyflymach na'r cyfyngiad cyflymder ar gyfer y math o gerbyd (ac eithrio cerbydau nwyddau neu deithwyr)	3-6
SP30	Gyrru'n gyflymach na'r cyfyngiad cyflymder ar ffordd gyhoeddus	3-6
SP40	Gyrru'n gyflymach na'r cyfyngiad cyflymder i gerbydau teithwyr	3-6
SP50	Gyrru'n gyflymach na'r cyfyngiad cyflymder ar draffordd	3-6
TS10	Methiant i gydymffurfio ag arwyddion goleuadau traffig	3
TS20	Methiant i gydymffurfio â llinellau gwyn dwbl	3
TS30	Methiant i gydymffurfio ag arwydd 'Aros'	3
TS40	Methiant i gydymffurfio â chyfarwyddyd cwnstabl/warden	3
TS50	Methiant i gydymffurfio ag arwydd traffig (ac eithrio arwyddion aros, arwyddion traffig neu linellau gwyn dwbl)	3
TS60	Methiant i gydymffurfio ag arwydd patrôl croesfan ysgol	3
TS70	Methiant heb ei ddiffinio i gydymffurfio ag arwydd cyfeiriadau traffig	3
TT99	I ddynodi gwaharddiad o dan weithdrefn pentyrru pwyntiau. Os bydd cyfanswm y pwyntiau cosb yn cyrraedd 12 neu fwy o fewn 3 Blynedd, gellir gwahardd y gyrrwr	
UT50	Achos gwaethygedig o gymryd car	3-11

**Pwyllgor Trwyddedu Amgylcheddol****Trefn gwrandawiaidau perthnasol i Drwyddedau Llogi Preifat**

1. Y Cadeirydd yn croesawu ceiswyr / deiliaid trwydded ac yn eu gwahodd i eistedd.
2. Y Cadeirydd yn cyflwyno'i hun ac Aelodau'r Pwyllgor fydd yn penderfynu'r mater dan ystyriaeth.
3. Y Cadeirydd yn cael gwybod pwy yw'r ceiswyr / deiliaid trwydded a'u cynrychiolydd ac yn eu hysbysu iddynt gael eu gwahodd i fynychu mewn cysylltiad â naill ai gais am drwydded gyrrwr / cerbyd / gweithredwr llogi preifat neu drwydded bresennol gyrrwr / cerbyd / gweithredwr llogi preifat.
4. Y Cadeirydd i esbonio nad yw hwn yn Llys Barn ond bod trefnau'n bodoli er mwyn sicrhau rhedeg y gwrandawriad yn esmwyth. Y Cadeirydd i gadarnhau gyda cheiswyr / deiliaid trwydded eu bod yn deall y drefn i'w dilyn. Y Cadeirydd wedyn yn mynd ymlaen gyda'r gwrandawriad.
5. Bydd Swyddogion Diogelu'r Cyhoedd yn cyflwyno adroddiad i'r Pwyllgor mewn cysylltiad â'r cais / trwydded.
6. Bydd gwahoddiad i geiswyr / deiliaid trwydded egluro'r amgylchiadau perthnasol i'r materion y cyfeiriwyd atynt yn yr adroddiad.
7. Bydd Aelodau'r Pwyllgor yn cael eu gwahodd i holi ceiswyr / deiliaid trwydded a/neu Swyddogion.
8. Bydd Swyddogion Diogelu'r Cyhoedd yn cael eu gwahodd i wneud unrhyw sylwadau i gloi.
9. Bydd gwahoddiad i geiswyr / deiliaid trwydded wneud unrhyw sylwadau terfynol ar eu cais neu drwydded.
10. Rhaid i bawb ofyn pob cwestiwn drwy'r Cadeirydd.
11. Ar ddiwedd y gwrandawriad bydd y Cadeirydd yn hysbysu ceiswyr / deiliaid trwydded y bydd Aelodau'r Pwyllgor yn ystyried y mater mewn sesiwn breifat. Bydd gofyn i geiswyr / deiliaid trwydded a Swyddogion y Cyngor aros yn y cyntedd rhag ofn y bydd angen eu holi ymhellach.
12. Unwaith y daethpwyd i benderfyniad, bydd Clerc y Pwyllgor yn dweud wrth geiswyr / deiliaid trwydded y byddant yn cael clywed y penderfyniad yn ysgrifenedig cyn pen 14 diwrnod.

«  
LicenceNo»

## ENGHRAIFFT O DRWYDDED



### TRWYDDED GWEITHREDWR LLOGI PREIFAT

Yn ôl darpariaethau Deddf Llywodraeth Leol (Darpariaethau Amrywiol) 1976, mae Cyngor Wrecsam

#### TRWY HYN YN TRWYDDEDU

i weithredu cerbydau llogi preifat o fewn Bwrdeistref Sirol Wrecsam o'r eiddo ac adeiladau sy'n dwyn yr enw

o ddyddiad hwn hyd at ac yn cynnwys «**Expiry**» oni bai y gwaharddwyd neu y diddymwyd cyn hynny yn amodol ar ddarpariaethau'r cyfryw Ddeddf a'r fath Ddeddfau, Gorchmynion, Rheolau, Rheoliadau ac Is-ddeddfau ag y gall o bryd i'w gilydd fod mewn grym ar gyfer rheoleiddio Cerbydau Llogi Preifat a'u Perchenogion, Gyrwyr a Gweithredwyr o fewn y cyfryw Fwrdeistref Sirol ac yn ôl yr amodau a fanylir yn yr Atodlen i hyn.

**Dyddiedig y 7 January, 2020**

#### Pennaeth Tai, Gwarchod y Cyhoedd a'r Amgylchedd

### ATODLEN

#### AMODAU'R DRWYDDED

Diffiniadau: Yn yr amodau hyn, heblaw lle mae'r cyd-destun yn mynnu fel arall, bydd i'r geiriau a phriod-ddulliau canlynol fod â'r styron canlynol:

“**Swyddog Awdurdodedig**” yw rhywun a awdurdodwyd gan y Pennaeth Tai, Gwarchod y Cyhoedd a'r Amgylchedd i gynnal dyletswyddau cysylltiedig â chyhoeddi trwyddedau llogi preifat a gorfodi deddfwriaeth berthnasol i logi preifat;

“**Rhif Bathodyn**” yw rhif trwydded y Gyrrwr Llogi Preifat sy'n cael ei ddangos ar y bathodyn adnabod gaiff ei roi i'r gyrrwr gan y Pennaeth Tai, Gwarchod y Cyhoedd a'r Amgylchedd yn unol ag Adran 54 o Ddeddf Llywodraeth Leol (Darpariaethau Amrywiol) 1976;

“**Pennaeth Tai, Gwarchod y Cyhoedd a'r Amgylchedd**” yw'r unigolyn a benodwyd i'r swydd honno yng Nghyngor Wrecsam;

“**Gweithredwr**” yw'r unigolyn sydd wedi cael y Drwydded Gweithredwr hon;

“**Gyrrwr**” yw rhywun a gafodd Drwydded Gyrrwr Llogi Preifat gan y Pennaeth Tai, Gwarchod y Cyhoedd a'r Amgylchedd;

“**Perchennog**” yw'r unigolyn a gafodd Drwydded Cerbyd Llogi Preifat gan y Pennaeth Tai, Gwarchod y Cyhoedd a'r Amgylchedd;

“**Cerbyd**” yw cerbyd y rhoddwyd Trwydded Cerbyd Llogi Preifat ar ei gyfer gan y Pennaeth Tai, Gwarchod y Cyhoedd a'r Amgylchedd;

“**Rhif Plât**” yw rhif Trwydded Cerbyd Llogi Preifat sy'n cael ei ddangos ar blatiau adnabod y cerbyd a roddwyd o ran Cerbyd gan y Pennaeth Tai, Gwarchod y Cyhoedd a'r Amgylchedd.

1A Bydd i'r Gweithredwr gadw'r cofnodion canlynol:-

- a) O ran pob contract i logi Cerbyd Llogi Preifat:-
  - (i) dyddiad ac amser yr archeb;
  - (ii) enw a man codi'r llogwr;
  - (iii) y cyrchfan;
  - (iv) rhif plât y Cerbyd a neilltuwyd i'r archeb;
  - (v) rhif bathodyn y Gyrrwr a neilltuwyd i'r archeb.
- b) O ran holl Gerbydau sy'n cael eu gweithredu:-
  - (i) enw a chyfeiriad y Perchennog;
  - (ii) rhif cofrestru'r Cerbyd;
  - (iii) rhif y plât a'r dyddiad y daw i ben.
- c) O ran holl Yrwyrr sy'n gweithio i'r Gweithredwr:-
  - (i) enw a chyfeiriad y Gyrrwr;
  - (ii) rhif bathodyn a'r dyddiad y daw i ben;
  - (iii) arwyddair y Gyrrwr;
  - (iv) copiâu o ddogfennau yswiriant perthnasol.

B Mae modd cadw'r cofnodion naill ai:

- a) mewn llyfr neu lyfrau, a gymeradwywyd at ddefnydd o'r fath gan y Pennaeth Tai, Gwarchod y Cyhoedd a'r Amgylchedd, gyda'r tudalennau'n gorfod bod wedi'u rhifo'n olynol a'u rhwymo i'w gilydd, neu
- b) trwy gyfrwng system gofnodion gyfrifiadurol sy'n gymeradwy i'r Pennaeth Tai, Gwarchod y Cyhoedd a'r Amgylchedd.

C Bydd i'r cofnodion fod ar gael i'w harchwilio gan Swyddog Awdurdodedig neu Gwnstabl ar unrhyw adeg resymol.

D Bydd i'r Gweithredwr gadw cofnodion ar gyfer unrhyw ddyddiad arbennig am gyfnod o ddeuddeg mis o leiaf.

2 Mewn cysylltiad â holl gerbydau dan ei reolaeth, bydd i'r Gweithredwr sicrhau bod polisiâu yswiriant neu warant o'r fath mewn grym fel ag i gydymffurfio â gofynion Rhan VI o Ddeddf Traffig y Ffyrdd 1972

3 Bydd i'r Gweithredwr ddarparu gwasanaeth prydlon, effeithlon a dibynadwy i'r cyhoedd ar bob adeg resymol ac, i'r diben hwn, bydd yn arbennig:-

- a) yn sicrhau pan logwyd Cerbyd Llogi Preifat i fod yn bresennol ar adeg ac mewn lle penodol, bod y Cerbyd bydd i, oni bai iddo gael ei oedi neu atal gan reswm digonol, yn cyrraedd yn brydlon ar yr adeg ac yn y lle a bennwyd;
- b) yn cadw unrhyw eiddo ac adeiladau y mae'r Gweithredwr yn eu darparu ar gyfer y cyhoedd, boed hynny at ddiben archebu neu aros, yn lân, yn ddigon cynnes ac wedi'i awyru a'i oleuo'n dda;
- c) yn sicrhau bod digon o seddau mewn unrhyw fan aros sy'n cael ei ddarparu;
- d) yn sicrhau bod unrhyw offer ffôn a radio sy'n cael eu darparu'n cael eu cynnal mewn cyflwr da a bod unrhyw namau'n cael eu trwsio'n brydlon;
- e) os yw offer radio'n cael ei ddefnyddio, bod trwydded mewn grym a gyhoeddwyd yn unol â'r Deddfau Telegraffiaeth Ddiwifr sy'n ymwneud â defnyddio Radios Busnes Preifat.

4 a) O dderbyn unrhyw gŵyn ynghylch Gyrrwr, Cerbyd neu unrhyw contract llogi neu contract honedig yn perthyn i neu'n deillio o'i weithrediad, bydd i'r Gweithredwr hysbysu, ar unwaith yn ysgrifenedig, y Pennaeth Tai, Gwarchod y Cyhoedd a'r Amgylchedd a nodi'r camau (os o gwbl) a gymrodd y Gweithredwr neu y bwriada eu cymryd ynghylch cwyn o'r fath.

b) Bydd i'r Gweithredwr ddangos yn barhaol mewn lle amlwg yn yr eiddo ac adeiladau fel bod unrhyw un sy'n ceisio llogi unrhyw Gerbyd Llogi Preifat yn gallu ei ddarllen yn rhydd, Hysbysiad wedi'i argraffu'n briodol sy'n cael ei ddarparu gan y Pennaeth Tai, Gwarchod y Cyhoedd a'r Amgylchedd, i'r perwyl y dylid cyfeirio unrhyw gŵyn ynghylch contract llogi perthnasol i'r busnes at y: Pennaeth Tai, Gwarchod y Cyhoedd a'r Amgylchedd, Cyngor Wrecsam, Adeiladau'r Goron, Stryt Caer, Wrecsam, LL13 8ZE.

5 a) Mae'r drwydded hon yn berthnasol yn unig i'r eiddo ac adeiladau a nodwyd arni ac ni fydd i'r Gweithredwr weithredu Cerbydau Llogi Preifat o unrhyw eiddo ac adeiladau eraill heb yn gyntaf cael caniatâd ysgrifenedig y Pennaeth Tai, Gwarchod y Cyhoedd a'r Amgylchedd.

- b) Bydd i'r Gweithredwr hysbysu'r Pennaeth Tai, Gwarchod y Cyhoedd a'r Amgylchedd yn ysgrifenedig cyn pen saith niwrnod o unrhyw newid yn ei gyfeiriad personol.
- 6 Bydd i'r Gweithredwr hysbysu'r Pennaeth Tai, Gwarchod y Cyhoedd a'r Amgylchedd yn ysgrifenedig, cyn pen saith niwrnod, fanylion:
- a) gyrrwr neu yrwyr sy'n darfod bod yn gysylltiedig â'i weithrediad
- b) gyrrwr neu yrwyr sy'n dechrau derbyn ei archebion.
- 7 Bydd i'r Gweithredwr hysbysu'r Pennaeth Tai, Gwarchod y Cyhoedd a'r Amgylchedd yn ysgrifenedig cyn pen saith niwrnod o unrhyw gollfarn a gafodd (neu, os yw'r Gweithredwr yn gwmni neu bartneriaeth, ar unrhyw un o'r cyfarwyddwyr neu bartneriaid) yn ystod cyfnod y drwydded.
- 8 Cyn pen 14 diwrnod ar ôl cael y drwydded hon bydd i Weithredwyr roi manylion ysgrifenedig i'r Pennaeth Tai, Gwarchod y Cyhoedd a'r Amgylchedd y raddfa brisiau sy'n cael eu codi am logi eu cerbydau a bydd iddynt, cyn pen 7 niwrnod ar ôl unrhyw newidiadau mew graddfa brisiau o'r fath, roi manylion ysgrifenedig newidiadau o'r fath i'r Pennaeth Tai, Gwarchod y Cyhoedd a'r Amgylchedd.
- 9 Bydd i'r Gweithredwr gael unrhyw ganiatâd cynllunio sydd ei angen ar gyfer ei eiddo ac adeiladau a chydymffurfio ag unrhyw amodau ynghlwm wrtho. Nid yw cael y drwydded hon yn awgrymu nad oes angen caniatâd cynllunio nac y byddai'n cael ei roi pe bai cais yn cael ei wneud i'r Cyngor.
- 10 a) Rhaid peidio ag achosi unrhyw annifyrrwch nac aflonyddwch ar ddeiliaid neu ddefnyddwyr tir eraill gerllaw oherwydd unrhyw lygredd atmosfferig neu hedegog neu lygredd a drosglwyddir trwy unrhyw ddulliau eraill. Er mwyn eglurder, bydd annifyrrwch neu aflonyddwch o'r fath yn cynnwys sŵn, dirgryniad, mwg, aroglau, tARTHau, llwch, lludw, huddygl, tanbeidrwydd goleuni, papur a chwythir gan y gwynt ac ymyrraeth â radio neu deledu.
- b) Ni fydd i unrhyw Gerbydau Llogi Preifat gael eu parcio yng nghyffiniau'r eiddo ac adeiladau fel ag i achosi rhwystr neu annifyrrwch i unrhyw un.
- 11 Heb ganiatâd ysgrifenedig y Pennaeth Tai, Gwarchod y Cyhoedd a'r Amgylchedd ni fydd i'r Gweithredwr weithredu mwy na ..... o gerbydau.
- 12 Bydd i'r Gweithredwr sicrhau na fydd dim Cerbyd Llogi Preifat sy'n cael ei redeg ganddo yn aros nac yn parcio ar y briffordd yn unrhyw fan fel ag i fynegi neu awgrymu ei fod yn ar gael i'w logi.
- 13 Ni fydd i unrhyw waith trwsio (heblaw gwaith trwsio mewn argyfwng), glanhau neu wasanaethu o unrhyw fath gael ei wneud ar unrhyw gerbyd modur yn yr eiddo ac adeiladau gweithredu.
- 14 Bydd i'r Gweithredwr gydymffurfio bob amser â gofynion Deddf Llywodraeth Leol (Darpariaethau Amrywiol) 1976 i'r graddau y maent yn berthnasol i Yrwyr, Cerbydau a Gweithredwyr Llogi Preifat a holl ddeddfwriaeth berthnasol arall sydd mewn grym ar y pryd.
- 15 Mae'n rhaid i'r enw ar y Drwydded Gweithredwyr fod yr un fath â'r enw busnes ar adeg y cais. Ni fydd y Gweithredwr yn gweithredu o dan unrhyw enw arall nad yw ar y Drwydded Gweithredwyr.
- 16 Mae'n rhaid i'r gweithredwr gwblhau'r hyfforddiant Ymwybyddiaeth Diogelu pan fo angen i fod yn bresennol, gan y Gwasanaeth Trwyddedu.

FE ALL TORRI'R AMODAU HYN GAEL EI YSTYRIED FEL SAIL I ATAL NEU DDIDDYMU NEU FEL SAIL I WRTHOD ADNEWYDDU'R DRWYDDED.

### Hawl i Apelio

**Os ydych yn anghydweld ag unrhyw un o amodau'r drwydded hon gallwch apelio i Lys Ynadon cyn pen 21 diwrnod o'r dyddiad y rhoddwyd y drwydded.**